

观自在菩萨化身囊虞哩曳童女销伏毒害陀罗尼经 1 卷

No. 1264

观自在菩萨化身囊虞哩曳童女销伏毒害陀罗尼经

开府仪同三司特进试鸿胪卿肃国公食邑三千户赐紫赠司空谥大鉴正号
大广智大兴善寺三藏沙门不空奉 诏译

如是我闻。一时薄伽梵。住舍卫国祇陀园。与大苾刍众千二百五十人俱。又
与无数菩萨摩訶萨。及天龙夜叉八部众等皆来云集。

尔时如来告诸大众。我念往昔。住雪山北游香醉山。见一童女。百福相好庄
严其身。鹿皮为衣。以诸毒蛇而为璎珞。将诸毒虫虎狼师子。前后围遶常为
伴侣。饮毒菓浆食毒草菓。彼女见我作如是言。仁者听我宣说一大真言。能
除世间一切诸毒。若人闻此呪及念我名者。不被一切诸毒所害。尔时童女为
我说呪。我得闻已。常持此呪饶益有情。我今当说真言曰。

怛徧也他唵(引)壹哩蜜帝(引)底(丁壹反)哩蜜帝壹哩帝哩蜜帝(引)努迷努么(引)哩
(引)曳(引)讷泚讷蹉(引)哩曳得羯啰拏(尼贞反)嚩揭啰拏揭湿弭[口*(隶-木+
士)](引)揭湿弭啰目讫帝(二合)恶祇恶伽徧恶伽娜恶伽囊伽徧壹哩曳壹哩壹哩曳
阿佉夜(引)曳始(乌合反)播夜曳湿吠帝(引)湿吠多顿奶阿曩(引)努啰乞砂(二合)伺
嚩(二合)诃

佛言诸苾刍。若人一闻此呪。却后七年远离诸毒。若人常念者。一切毒虫及
诸毒药悉不能害。若有毒蛇来咬此人者。其蛇即烂坏。其有受持此呪法者。
以白物先供养师。然后受之法必成就。勿于蛇边念此呪。其蛇即死死已令其
苏活呪曰。

怛徧也他伊哩弥哩譏啰弥左斫骨嚩斫骨鲁斫骨论斫骨论譏啰弥拏句咤句咤曳
帝娑普咤娑普咤曳帝那揭黎那伽折迦兰底哩壹掣啰佛沙尸怛啰卑怛啰悉普咤
悉普咤伺嚩(二合)诃

若人念一遍。经年诸毒不中。若能常持非言外毒消灭。亦除内三毒。若恶疮发背痈肿等病。唾之念呪即差。一切恶兽来。但念七遍即过不能为害。若为中毒。处于中指上头第一节文。左右手遶疮。逆日转念呪三七遍即差。常念不得高声。高声则有毒虫必死。若恶虫死已。以此呪解之即活。念三七遍。解毒呪曰。

怛儻也他壹哩弥哩议哩那伽斫伽兰底哩壹掣啰合沙鸡怛咤悉怛咤担咤悉怛咤伺嚩(二合)诃

若人患发背。逆日转遶倒书一匝即差。恶物自出大有神验。

佛说是语已。大众欢喜授时而起。

囊麁哩曳童女销伏毒害呪经

【经文信息】大正藏第 21 册 No. 1264a 观自在菩萨化身囊麁哩曳童女销伏毒害陀罗尼经

【版本记录】CBETA 电子佛典 Rev. 1.6 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】
